


KOMMUNIMUT PILERSAARUMMUT TAPILUSSAQ 3B3-1

Golfklubbip kangiani inuussutissarsiteqarfik, Nuuk

Februaari 2018



KOMMUNEQARFIK SERMERSOOQ
Sanarfinermut Avatangiisinullu Ingerlatsivik
Forvaltning for Anlæg og Miljø

Kommunimut pilersaarummut tapiliusseq sunaava?

Kommunimut pilersaarummut tapiliusseq tassaavoq ingerlaavartumik suliarineqartartoq, taamaattumik Pilersaarusiornermut inatsit naapertorlugu (Pilersaarusiorneq aamma nunaminertat atorneqartarnerat pillugit Inatsisartut inatsisaat nr. 17, 17. november 2010-imeersoq) naapertorlugu kommunalbestyrelse pisussaavoq, kommunimut pilersaarut pillugu pisariaqartutigit malinnaatitsissalluni. Taamatut malinnaatitsisarneq isumagineqartuarterpoq kommunimut pilersaarummut allannguutissanik imaluunniit ilanngussassanik pisariaqartunik tapiliussassaqaqartillugu.

Kommunalbestyrelse kommunimut pilersaarummut tapiliussamik nunaminertamik atuinissamut sanaartukkanullu tunngasunik aalajangersagartalimmik taamaalilluni sukkulluunniit suliaqarsinnaatitaavoq. Tamatuma saniatigit Kommunalbestyrelse sukumiisumik aalajangersagartalimmik kommunimut pilersaarummut tapiliortussaataitaavoq:

- Nuna tamakkerlugu pilersaarusiornerup kommunillu pilersaarusiornerata piviusunngortinnissaanut qulakkeerinnissaq pisariaqaraangat.
- Sanaartugassanik imaluunniit sulianut annerusunut pingaaruteqartunulluunniit nunaminertamik atugassiinnginnermi.
- Sanaartukkanik anginerusunik pingaaruteqarnerusunilluunniit ingutserilinnginnermi.

Kommunimut pilersaarummut tapiliusseq marlunnik immikkoortortaqaqpoq, **nassuiaat** aamma **maleruaqqusanut** tunngasut.

- **Nassuiaammi** kommunimut pilersaarummut tapiliussap siunertaa anguniagaalu, pissutsit immikkoortup iluani eqqaanilu pioreersut nassuiarneqarput.
- **Malittarisassartaani** pilersaarutip piviusunngortinnissaanut atatillugu, aalajangersakkat malinneqarnissaat allassimavoq. Aalajangersakkat pingaarnertut inissillugit allanneqarput aammalu aalajangersakkat sukumiisunngorlugit allanneqarlutik. Aalajangersakkat tamarmik inatsisinut pituttugaapput, taamaattorli pissutsini immikkut ittuni, aalajangersakkanit sukumiisunit immikkut akuersissummik tunniussisoqarsinnaavoq. Tamatuma saniatigit nunap assingi ilanngussat attuumassuteqartut, aalajangersagartaaniipput.

Tamanut nalunaarut

Kommunimut pilersaarummut tapiliusseq 3B3-1 inaarutaasumik atuutilersutut tamanut nalunaarutigineqarpoq ulloq 14.03.2018.

**Kommuneqarfik Sermersooq
Sanarfinermut Avatangiisinullu Ingerlatsivik
Postboks 1005
3900 Nuuk**

Pilersaarut sumi atuarneqarsinnaava?

Pilersaarut Nunatta Atuagaateqarfiani imaluunniit kommunip nittartagaani www.sermersooq.gl-imi atuarneqarsinnaavoq, kommunip innuttaasunut sullissivianut imaluunniit Sanarfinermut Avatangiisinullu Ingerlatsivimmut Kuussuaq 2, 3900 Nuuk saaffiginnillutit pissarsiarisinnaavat, oqarasuaat 36 74 31.

IMARISAI


1	NASSUIAAT	4
	1.1 PILERSAARUSIORFIK	4
	1.2 SIUNERTAA TUNNGAVIILU	5
	1.3 PISSUTSIT ATUUTTUT	5
	1.4 PILERSAARUMMI PINGAARNERIT	5
	1.5 PILERSAARUMMUT TAPILIUSSAP INATSISITIGUT ATUUFFII	6
2	AALAJANGERSAKKAT	7
	2.1 PINGAARNERTUT AALAJANGERSAKKAT	7
	2.2 AALAJANGERSAKKAT SUKUMIISUT	7
3	AKUERSINERMUT UPPERNARSAAT	13
4	ASSI ILANNGUSSAQ	14

1 NASSUIAAT









Una tapiliusaaq immuni kommunimut pilersaarummut tapiliussat 37-saat uunga "Nuummur pingaarnertut aqqissuussaaq nutaaq"-mut pilersaarummut ilanngunneqarpoq. Kommunip pilersaarutaanut tapiliussani 37-ni nunaminertat tamarmik pilersaarummut Nuuk City Developmentimut (NCD) ilaapput, aamma nunaminertat tunniunneqartut kommunip illoqarfimmik ineriartortitsinermut suliniutaanut toqqaannartumik tunniunneqarlutik. Nunaminertat Kommuneqarfik Sermersuumit imaluunniit Kommuneqarfik Sermersuup toqqaannartumik toqqaannangitsumilluunniit 100 procentimik pigineqartunut ineriartortitsinermut peqatigiiffiusunik atorineqarsinnaavoq siunertanut pisortatigoortumik atugassatut siunertanulluunniit namminersortunit atugassatut.

1.1 PILERSAARUSIORFIK

Immikkoortoq illoqarfiup ilaani Quassussuup Tungaani betoniliorfiup kujataani golfertarfiup mittarfiullu akornanni inissisimavoq, taassumalu kujataaniippoq ujaqqeriviugallartoq. Immikkoortoq aqqusaarlugu ujaqqerivimmut aqquteqalernissaa qularnaarneqassaaq.



Ilisarnaatinut nassuiaatit

 Immikkoortup ilaa pioreersoq	 Inissiaqarfik A	 Nunaminertaq sanaartorfigeqqusaanngitsooq D
 Immikkoortup ilaa nutaaq	 Siliffeqarfeqarfik B	 Tekniskikkut atororissaarutit kiisalu attaveqaatitigut atororissaarutit E
 Inissiat/illut pioreersut	 Illoqarfiup qeqqa C	



Pioreersunut killigitat immikkoortullu ilaa nutaaq titarnernik aappaluttunik ilisarnaateqarput.

Kommunimut pilersaarummut tapiliusaaq, Kommuneqarfik Sermersuumut Kommunimut pilersaarummut 2028-mut ilaavoq taanna pingaarnertut

inuussutissarsiornermut siunertaqartunut atugassatut naatsorsuunneqarpoq, qulaani assi takuuk.

Kommunimut tapiliusaaq una atorlugu immikkoortup ilaa nutaaq pilersinneqarpoq, immikkoortulli inuussutissarsiornermut siunertaqartumik atorneqarnissaa aalajangiusimaneqarluni.

1.2 SIUNERTAA TUNNGAVILU

Kommunimut pilersaarummut tapiliusaaq, suliffeqarfiit, nioqutissiorfiit sanaartornermilu inuussutissarsiorfii mittarfiup, betoniliorfiup ujaqgeriviullu inissisimavianiissinnaasut pilersinneqarnissaanut periarfissiinissaaq siunertaralugu suliarineqarpoq. Immikkoortoq inissiivittulluunniit atorneqarallarsinnaavoq.

Kommunimut pilersaarummut tapiliussami tunngaviit tassaapput:

- Immikkoortut ilaata inuussutissarsiornermut siunertaqartunut atorneqarnissaa aalajangiunneqassasoq
- Immikkoortoq, inissisimaffimmi eqqarisat ilaatigut mittarfirmi isumannaallisaanermut tunngasut eqqarsaatigalugit aalajangiiffiqineqassasoq
- Sjaqqinnermit Pukuffimmiillu aqquteqarnissaanik qularnaarisoqassasoq, assi ilanngussaaq 3B3 takuuk, aqqutit immikkoortoq aqqusaarlugu ingerlaqqiffiit ilanngullugit

1.3 PISSUTSIT ATUUTTUT

Immikkoortup ilaa katillugu 11,7 ha. missaani angitigisumik nunaminertaqarpoq ilaatigullu manissutut isikkoqarluni, taamaattorli avannaata tungaani ataasiakkaanik masarsoqarpoq manissunik qatsinnersalinnik. Mittarfiup kangiani nuna manissumik pukkiartorpoq (kote 90 missaani) golfertarfiup tungaanut, taanna immikkoortup ilaata kitaani kote 70 missaani inississimasooq.

Immikkoortup ilaa sanaartorfiusimanngilaq.

1.4 PILERSAARUMMI PINGAARNERIT

Kommunimut pilersaarummut tapiliussap immikkoortup ilaata attaveqarnermut inuussutissarsiornermullu, suliffeqarfiit, nioqutissiorfiit sanaartornermullu tunngasunut atorneqarnissaa aalajangersassavaa, biilini inissiivissatut, inaaliivittut assigisaannullu atuuttussat ilanngullugit.

Immikkoortumi sanaartornermi atortussanut allanullu inuussutissarsiornermut tunngassutilinnut immikkut inissisimasariaqartunut, betoniliorfimmu ujaqgerivimmullu mittarfiup eqqaani inissisimasinnaasunut nutaamik sanaartortoqarsinnaaneranut periarfissiisoqarpoq. Nunataq 20.000 m² atorlugu

20 meterinillu portussusilimmik sanaartortoqarsinnaavoq.

1.5 PILERSAARUMMUT TAPILIUSSAP INATSISITIGUT ATUUFFII

Inaarutaasumik inatsisitigut sunniutit

Kommunimut pilersaarutip piviusunngortinneqarnissaanut Kommunalbestyrelse suliniuteqassaaq, tassunga ilanngullugu nunaminertanik atugassiinerni.
(*Pilersaarnermut inatsimmi § 29*)

Kommunimut pilersaarummut tapiliussap matuma inaarutaasumik akuerineqarnera tamanut nalunaarutigineqareerpat kommunimut pilersaarummut tapiliussamut inatsisitigut piviusumilluunniit akerliusumik pissutsinik pilersitsisoqassanngilaq. (*Pilersaarusiormut inatsimmi § 30*)

Pisulli ilaanni aalajangersakkanit sukumiisunit nikingasoornernut annikinnerusunut immikkut ittumik akuersissuteqartoqarsinnaasarpog. Nikingasoornernit pingaarnernit aamma aalajangersakkanit pingaarnernit nikingasoornernit pissutigalugit nutaamik kommunimut pilersaarummut tapiliussaliortoqassaaq. (*Pilersaarusiormut inatsimmi § 50*)

Nunaminertanik, illunik atortunillu manna tikillugu unioqutitsinani atuinerit ingerlaannarsinnaapput, akerlianilli illunik atuinerit allanngortinneqarnerat nutaanilluunniit illuliornerit kommunimut pilersaarummut tapiliussamut akerliussanngillat.

Kommunimut pilersaarummut tapiliussap malitsigisaanik imaanngilaq nunaminertat, illut atortulersuutillu pilersaarummi ilaatinneqartut, pilersinneqassasut.



2 AALAJANGERSAKKAT

Matumuuna "Pilersaarusiortarnej nunaminertanillu atuneq pillugit Inatsisartut inatsisaat nr. 17, 17. novembari 2010-meersoq" (Pilersaarusiortarnej pillugu inatsit) kingusinnerusukkat allannguutitalik naapertorlugu aalajangersakkat tullinguuttut makku Kommunalbestyrelsimit aalajangersarneqarput.

Aalajangersakkat aalajangersakkanut pingaarnernut aalajangersakkanullu sukumiisunut avitaapput.

Aalajangersakkat tamarmik inatsisinut pituttugaapput, taamaattorli pissutsini immikkut ittuni, aalajangersakkanit sukumiisunit immikkut akuersissummik tunniussisoqarsinnaavoq. Aalajangersakkat pingaarnertut pilersaarummi tunngaviummik tunngaviupput taamaattumillu aalajangersakkanit taakkunanga immikkut ittumik akuersissuteqartoqarsinnaanngilaq.

2.1 PINGAARNERTUT AALAJANGERSAKKAT

MAANNA PINGAARNERTUT AALAJANGERSAKKAT	PINGAARNERTUT AALAJANGERSAKKAT NUTAAT
Immikkoortup ilaata killeqarfilersorneqarnera	
	
1. Siunertaq	
Inuussutissarsiornermut umiarsualiveqarnermullu siunertaq	Nalinginnaasumik atuuffia: B – Inuussutissarsiornermut umiarsualiveqarnermullu siunertaq Aalajangersimasumik atuuffia: B1 - Inuussutissarsiornermut tunngassuteqartunut siunertaq

2. Atorneqarnera	
Immikkoortup inuussutissarsiutinut siunertarineqartut allaffeqarfinnut, sanaartugassanik suliakkerneqartartunut, quersuarnut, sanasunut, sannavinnut, nioqqutissiornernut, uninngasuusivittut assartuinernullu kiisalu suliffissuarnut atorneqarnissaa aalajangiunneqassaaq.	Immikkoortup inuussutissarsiutinut siunertarineqartut allaffeqarfinnut, sanaartugassanik suliakkerneqartartunut, quersuarnut, sanasunut, sannavinnut, nioqqutissiornernut, uninngasuusivittut assartuinernullu kiisalu suliffissuarnut atorneqarnissaa aalajangiunneqassaaq.
3. Sanaartukkat	
Immikkoortoq sanaartorfiusinnaangilaq. Immikkoortumili aqqusiortoqarsinnaavoq.	Sanaartornermi annerpaamik 20 m portussuserineqassaaq.
4. Inissaqassuseq	
Sumiiffik tamakkiisumik sanaartorfigineqarsimavoq inissamik sinnerutsitsisoqarani.	Immikkoortoq 11,7 ha.-it missaannik annertussuseqarpoq. Immikkoortoq inissianut 20.000 m ² -mut inissaqarpoq, illuliat inaarutaasumik ilusilersorneqarnerat apeqqutaatillugu. Matuma qulaani sanaartorfissat atorneqareerpata, immikkoortoq tamakkerluni sanaartorfigineqareersutut sinneruttunillu inissaqartitsiffiunngitsutut isigineqalissaaq.
5. Eriagisariaqartut	
<i>Immikkut ittunik aalajangersagaqanngilaq</i>	<i>Immikkut ittunik aalajangersagaqanngilaq</i>
6. Nunaminertat piumasagaatitaqarfiusut	
Immikkut ittunik killeqarfiliussaqqarpoq, mittarfiup tallilernerqarnerani mikkiartornermi qangattalernermilu mittarfiup qaavata narlorissup aporfeqannginneragut mittarfiup eqqaani killeqarfittut aalajangersakkanik. Immikkoortoq mittarfimmi milernermi qangattalernermilu aporfeqanngitsumut ilaalluni inissisimavoq. Inissianut, sanaartukkanut aqqusinniornissamullu portussutsit portunerpaaffigisassa at assigiinngiiaarput, mittarfimmiillu ungasissuseq aamma qeqqani titarnermut teqeqqorissumik ungasissuseqarnera aallaaviussaaq.	Narlorissumik aammalu suluunnartut ilusilimmik mittarfiup tallilernerqarnerani mikkiartornermi qangattalernermilu qaavisa aporfeqanngitsoqarnerisigut mittarfiup eqqaani killeqarfiit aalajangersagartaqartinneqassapput. Immikkoortoq mittarfimmi milernermi qangattalernermilu aporfeqanngitsumut ilaalluni inissisimavoq. Inissianut, sanaartukkanut aqqusinniornissamullu portussutsit portunerpaaffigisassa at assigiinngiiaarput, mittarfimmiillu ungasissuseq aamma qeqqani titarnermut teqeqqorissumik ungasissuseqarnera aallaaviussaaq.
7. Aqqusinertigut angallanneq teknikkikkullu pilersuinerit	
Immikkoortoq Siaqqinnermit aamma Borgmester Anniitap Aqqusernganit aqquteqassaaq.	Immikkoortoq Siaqqinnermit aamma Pukuffimmit aqquteqassaaq.

	Immikkoortoq aqqusaarlugu aqquteqalernissaa qularnaarneqassaaq.
8. Illoqarfimmik nutarterineq	
<i>Immikkut ittunik aalajangersagaqanngilaq</i>	<i>Immikkut ittunik aalajangersagaqanngilaq</i>
9. Immikkoortukkuutaat	
<i>Immikkut ittunik aalajangersagaqanngilaq</i>	<i>Immikkut ittunik aalajangersagaqanngilaq</i>

2.2 AALAJANGERSAKKAT SUKUMIISUT

Immikkoortoq immikkuualuttumut ataatsimut agguarneqassaaq, assitut ilanngussami takutinneqartutut. Immikkuualuttumut nutaamut, aalajangersakkanik sukumiisunik nutaanik aalajangiisoqassaaq.

Aalajangersakkat sukumiisut assigiinngiiaartunut tunngapput, ilaatigut sanaartornermut nunaminertanullu sanaartorfiunngitsunut tunngassuteqarluni. Immikkut pisoqartillugu, aalajangersakkanik sukumiisunit immikkut akuersissuteqartoqarsinnaavoq.

Immikkuualuttoq 1
1. Inissialiat inissisimani
Imm. 1: Sanaartukkat inissialiillu nutaat assimi ilanngussami 3B3-mi sanaartorfittut takutinneqartutut inissinneqassapput.
Imm. 2: Nutaamik sanaartorneq annerpaamik 20 meterinik portussuseqarsinnaavoq: Teknikkikkut ikkussugassat soorlu silaannarissarfiit, elevatorit assigisaallu portussusissamat killiliinermut ilaangillat.
2. Inissialiat isikkui
Imm. 1: Nutaanik sanaartornerit avatangiisinniit eqqarsaatigalugit ilusilersorneqarlutillu immikkut akuerineqassapput.
Imm. 2: Sanaartugassaq nutaaq atorussat uku taaneqartut atorlugit sanaartorneqassaaq: Qisuk, savimineq, ujaqqat, betonni, eternit imaluunniit pladitut atorut. Illutaata silataanut mikinerusunut igalaat atorineqarsinnaapput. Inissiat silataat asingasumik qalipaateqassaaq, qinngorfigineqarnerminnilu qaamanermik utersaartitsisartuussanatik.
Imm. 3: Seqernup qinngorneranik katersisunik assigisaannillu silataani iigartai qaliaaluunniit pilersorneqarsinnaapput, taamaaliortoqassaarlu aatsaat qinngornernik utertitsinnaasuunngippata.
Imm. 4: Sanaartukkat nutaat qaliaasa ilusilersorneqarneri illuttut illuinnarmilluunniit sivingasuussapput (sivingassusaat annerpaamik 45 gradit).
Imm. 5: Qaliai taartunik qallersorneqassapput. Qaliai igalaaqassappata assigisaannilluunniit, qaliaata inissisimanerinit naleqquttuussapput.
Imm. 6: Sumiiffimmi ingerlatsinermut pisariaqartinneqarsinnaasunik allagartaliisoqarsinnaavoq. Allagartat sumiiffimmi atuuffiit avatangiisillu eqqarsaatigalugit inissinneqarlutillu ilusilersorneqassapput.
3. Aqquserngit aqqusineeqqallu
Imm. 1: Aqqusernit Siaqqinnermit aamma Pukuffimmiit aqquteqassapput, assi ilanngussaq 3B3 tunngaviusoq takuuk.

<p>Imm. 2: Immikkoortumi kommunimut pilersaarummi aalajangersakkat nalinginnaasut naapertorlugit biilnut inissiisarfiliortoqassaaq. Suliffissuarnik sannavinnillu sanaartornermi: 50 m²-ikkaarlugit biilnut inissiivik ataaseq.</p> <p>Ataatsimut biilnut unittarfiliornermut tunngatillugu elbiilnut immiisarfissanik nappaasoqarnissaa periarfissaqassaaq.</p> <p>Imm. 3: Aqqusernit aalajangersimasunik titarnilersugaapput (immikkut ittumik killeqarfiliussat), inissialiorfiusut sanaartorfiillu aqquserngup qeqqaniit 12,0 meterinik qaninnerusumik aqqusernermut atalersumut, immikkoortullu ilaanut aqqusernup qeqqaniit 7,5 meterinik qaninnerusumut aqquserineqalersunut inissinneqassanngillat.</p>
<p>4. Nunaminertat sanaartorfigineqanngitsut sunngiffimmilu atortulersuutit</p>
<p><i>Immikkut ittunik aalajangersagaqanngilaq</i></p>
<p>5. Teknikkimut atortulersuutit</p>
<p>Imm. 1: Inissialiat nutaat pisortat innaallagissamut imermullu aqquataaannut aamma kuuffissuaataannut attavilerneqassapput.</p> <p>Imm. 2: Imikoq qasertoq imikorlu tamarmik kuuffissuakkut kuutsinneqassapput. Nunap qaavata ernga kussiamiillu imeq kuuffissuakkoortinneqassanngillat kisiannili illulianut, aqqusernermut, aqquserineqanunut nunaminertanullu sanaartorfigineqanngitsunut eqqaamiorisanut akornutaanngitsumik kuutsinneqassapput.</p> <p>Imm. 3: Pilersuinermit aqquutit tamarmik nunap iluatigoortinneqassapput. Ledninginik inuup allap allangortiterisinaanera ledninginik piginnittumut aningaasartuutaassanngilaq aamma tamanna ledninginik piginnittoq aatsaat isumasioqqaarlugu taassumalu innersuussutai malillugit pissaaq.</p> <p>Imm. 4: Immikkoortup ilaanut teknikkikkut atortulersuutit soorlu transformatoriisiviit assigisaallu immikkoortup ilaanut pilersuinermit atortut inissinneqarsinnaapput. Teknikkimut atortulersuutit Nukissiorfiit aamma Kommuneqarfik Sermersooq isumaqatiginerisigut kusanaaqutaanngitsumillu inissinneqassapput.</p>
<p>6. Nunaminertat sanaartorfigineqanngitsut</p>
<p>Imm. 1: Illuliat nutaat sapinngisamik nuna allangortinnagu naleqqussarneqassapput. Teknikkikkut imminut illersorsinnaasumik illuliornissaq eqqarsaatigalugu pisariaqartitsineq taamaallaat naapertorlugu nunamik allannguisoqassaaq.</p> <p>Imm. 2: Assimi ilanngussami takutinneqartutut sanaartorfinni nunaminertanilu aqqusernermut, biilnut inissiisarfinnut assigisaannullu atornerqartuni pisariaqartinneqartumik nunagissaasoqarsinnaavoq.</p> <p>Imm. 3: Immikkoortup ilaani naasooreersut sapinngisamik paariinnarneqassapput aammalu ajornanngippat inaalinneqassallutik, taamaallutik sanaartortoqareerpat ilusaattut ilerseqqinneqarsinnaaniassammata.</p> <p>Imm. 4: Immikkoortup ilaa qaartiternerlukunik qaartiterinermi assartuinermiluunniit siammarsimasinnaasunik salinneqassaaq.</p> <p>Imm. 5: Nunaminertat sanaartorfigineqanngitsut saligaatsuutinneqassapput eqqiluitsuutinneqarlutillu.</p>
<p>7. Eriagisassaq</p>
<p><i>Immikkut ittunik aalajangersagaqanngilaq</i></p>

8. Pinngortitap illersorneqarnissaanik soqutiginninnerit
<i>Immikkut ittunik aalajangersagaqanngilaq</i>
9. Nunalerinermut nunamik atuinissamik soqutiginninnerit
<i>Immikkut ittunik aalajangersagaqanngilaq</i>
10. Ataatsimut atortulersuutit
Imm. 1: Immikkoortumi 3.2-mi biilnut inissiisarfiliornissat pillugit aalajangersakkat takukkit.
11. Piginnittut peqatigiiffii
<p>Imm. 1: Immikkoortup ilaani illut pillugit ataatsimut soqutigisanik isumaginnittussamik piginnittut peqatigiiffiannik pilersitsisoqassaaq. Illuutillit, namminersorlutik inuussutissarsiutillit illuutaat immikkoortullu ilaani atuuffiit allat ilaasortaasussaataapput (aamma piginneqatigiilluni inissiaatileqatigiit).</p> <p>Imm. 2: Peqatigiiffiup aqquserngit, aqqusineeqqat sanaartorfiunngitsullu isumagissavaat - tassunga atatillugu aamma ukiuunerani aserfallatsaaliinissaq - immikkoortumi sanaartorfiumut attuumassutillit.</p> <p>Imm. 3: Peqatigiiffik kingusinnerpaamik pilersinneqassaaq sanaartorfimmi siulliulluni naammassineqartumi illulianik nutaanik naammassinninnerni atuilernernilu</p> <p>Imm. 4: Peqatigiiffimmit sumi najugaqarneq ataavartumik Kommuneqarfik Sermersuumut nalunaarutigneqartassaaq.</p>
12. Avatangiisinik mingutsitsinermi killissaritaasut
<p>Imm. 1: Immikkoortumi suliffeqarfik immikkut akuerisaalluni mingutsitsisinnaavoq. Namminersornerullutik Oqartussat nalunaarutaat nr. 11, 20. august 2004-meersoq Suliffeqarfiit mingutsitsivallaartut il.il. avatangiisinut tunngatillugu akuersissuteqarfigineqartarneranni (Kapitali 5-suliffeqarfiit) naapertorlugu suliffeqarfik immikkut akuerisaalluni avatangiisinut tunngatillugu qinnuteqarsinnaavoq.</p> <p>Imm. 2: Inuussutissarsiutigalugu suliffeqarfinnut allanut, putsumik, nipiliornermik, pujoralammik tipiliornermillu akornuteqarnerit killilersimaartinniarlugit aalajangersaasoqassaaq.</p> <p>Imm. 3: Uumassusilinnit atortut atortullu nalinginnaasut mingutsitsisinnaanngitsut kisimik nunniornermut atorneqarsinnaapput. Immiissutissaq assersuutigalugu betonimik akoqarpat, oqartussaasunut attuumassuteqartunut akuersissummik piniartoqassaaq.</p> <p>Imm. 4: Immikkoortup ilaani eqqaavinnut eqqakkanut atugassanik inissiiffissanik nunaminertanik inniminniisoqassaaq.</p>
13. Illut nukissiutinik atuinikitsut
<i>Immikkut ittunik aalajangersagaqanngilaq</i>
14. Atuinissamut piumasaqaatit
<p>Imm. 1: Sanaartukkat nutaat aatsaat tulliuttut naammassineqarpata atorneqarsinnaanngussapput:</p> <ul style="list-style-type: none"> • immikkoortoq 3 naapertorlugu biilnut inissiisarfiliorneq. • pisortat pilersuutaannut attavilernerit. • inaarutaasumik nunagissaanerit naammassineqarnerat.

Piffissap sanaartoriusup tamanna ajornartissappagu immikkoortuni taaneqartut Kommuneqarfik Sermersuumik isumaqatigiissuteqartoqareerpat piaarnerpaamik suliarineqassapput.

3 AKUERSINERMUT UPPERNARSAAT

Kommunit pilersaarummut tapiliusseq una 3B3-1 Golfklubbip kangiani inuussutissarsiuteqarfik, Nuuk, matumuuna Kommuneqarfik Sermersuup Kommunalbestyrelsanit akuersissutigineqarpoq ulloq 20.02.2018

Kommuneqarfik Sermersooq ulloq 13-2018




Asii Chemnitz Narup
Borgmesteri



Lars Møller Sørensen
Kommunaldirektøri

Ulloq 14.03.2018 inaarutaasumik atuutilersutut tamanut nalunaarutigineqarpoq.



KOMMUNEQARFIK SERMERSOOQ
Sanarfinermut Avatangisinnullu Ingerlatsivik
Forvaltning for Anlæg og Miljø

Kommunimut pilersaarummut tapiliussaq 3B2-1
Kommuneplantillæg 3B2-1

Ilanngussaq I, Immikkoortoq 3B2
Bilag I, Delområde 3B2
Aggusti 2017 / August 2017
Utuut I: 6000 / Mål I: 5000
A4